

“ЗҮРХ СУДАСНЫ ҮНДЭСНИЙ ТӨВ БАЙГУУЛАХ ТӨСӨЛ”-ИЙГ
ХЭРЭГЖҮҮЛЭХ МОНГОЛ УЛС, ЕВРОПЫН СЭРГЭЭН БОСГОЛТ,
ХӨГЖЛИЙН БАНК ХООРОНДЫН ЗЭЭЛИЙН ХЭЛЭЛЦЭЭРИЙГ
СОЁРХОН БАТЛАХ ТУХАЙ”

ХУУЛЬ ХЭРЭГЖҮҮЛЭХТЭЙ ХОЛБОГДОН ГАРАХ ЗАРДЛЫН ТООЦОО

УЛААНБААТАР ХОТ
2025 ОН

ҮНДЭСЛЭЛ

Хууль тогтоомжийн тухай хуулийн 18 дугаар зүйлийн 18.1 дэх хэсэгт “Хууль тогтоомжийн төслийг баталснаар тухайн хууль тогтоомжийн үйлчлэх хүрээнд хамрагдах иргэн, хуулийн этгээд, төрийн байгууллагын үйл ажиллагаанд үүсэх зардлын тооцоог тухай бүр гаргаж, зардал, үр өгөөжийн харьцааг энэ хуулийн 12.1.4-т заасан аргачлалын дагуу тодорхойлно” гэж заасны дагуу Хэлэлцээр соёрхон батлах тухай хуулийн төсөл батлагдсанаар уг хуулийн үйлчлэх хүрээнд хамаарах иргэн, хуулийн этгээд, төрийн байгууллагын үйл ажиллагаанд үүсэх зардлыг Монгол Улсын Засгийн газрын 2016 оны 59 дүгээр тогтоолын 4 дүгээр хавсралтаар батлагдсан “Хууль тогтоомжийг хэрэгжүүлэхтэй холбогдон гарах зардлын тооцоо хийх аргачлал” /цаашид “аргачлал” гэх/-ын дагуу тооцлоо.

ХЭЛЭЛЦЭЭР СОЁРХОН БАТЛАХ ТУХАЙ ХУУЛЬ БАТЛАГДСАНААР ИРГЭНД ҮҮСЭХ ЗАРДЛЫН ТАЛААР

Монгол Улс болон Европын сэргээн босголт, хөгжлийн банк хоорондын “Зүрх судасны үндэсний төв байгуулах төсөл”-ийн зээлийн хэлэлцээрийг соёрхон батлах тухай хуулийн төсөлд иргэнд шууд үүрэг бий болгосон зүйл, заалт агуулаагүй тул аргачлалд заасны дагуу цаашид зардал үүсгэх эсэхийг тооцоолох шаардлагагүй гэж үзлээ.

ХУУЛЬ БАТЛАГДСАНААР ХУУЛИЙН ЭТГЭЭДЭД ҮҮСЭХ ЗАРДЛЫН ТАЛААР

Төслийн нийт төсөвт өртөг 62,189,000.00 ам.доллар бөгөөд нийт санхүүжилтийн 42.33 хувь буюу 22,500,000.00 евро (~26,325,000.00 ам.доллар)-г Люксембургийн Засгийн газрын буцалтгүй тусламж, 1.6 хувь буюу 850,000.00 евро (~994,500.00 ам.доллар)-г Европын сэргээн босголт, хөгжлийн банкны буцалтгүй тусламж, 56.07 хувь буюу 34,870,000.00 ам долларыг Европын сэргээн босголт, хөгжлийн банкны зээлээр санхүүжүүлэхээр тусгасан.

Улсын гуравдугаар төв эмнэлэг нь “Хэлэлцээр соёрхон батлах тухай” хуулийн дагуу үүсэх нэмэлт зардлыг өөрийн хөрөнгөөр санхүүжүүлэх санхүүгийн боломж бүрдээгүй байна. Иймд Хэлэлцээр соёрхон батлах тухай хуулийн дагуу үүсэх нэмэлт зардлын хөрөнгө оруулалтыг санхүүжүүлэхийн тулд Монгол Улсын 2026, 2027, 2028, 2029, 2030, 2031, 2032 оны Төсвийн тухай хуульд тус тус өргөн мэдүүлж шийдвэрлэхээр төлөвлөж байна.

ХЭЛЭЛЦЭЭР СОЁРХОН БАТЛАХ ТУХАЙ ХУУЛЬ БАТЛАГДСАНААР ТӨРД ҮҮСЭХ ЗАРДЛЫН ТАЛААР

Монгол Улс болон Европын сэргээн босголт, хөгжлийн банк хоорондын “Зүрх судасны үндэсний төв байгуулах төсөл”-ийн зээлийн хэлэлцээрийг соёрхон батлах тухай хуулийн төсөлд төслийн үндсэн хөрөнгө оруулалтыг урт хугацаат

зээлийн хөрөнгөөр, урсгал зардлыг зээлийн хөрөнгөөр бус Улсын төсвийн хөрөнгө оруулалтаар санхүүжүүлэхээр Сангийн яам, Эрүүл мэндийн яам, хөрөнгө оруулагч Люксембургийн Засгийн газар ба Европын сэргээн босголт, хөгжлийн банктай хамтран шийдвэрлэсэн болно.

— oOo —